



UNIVERSITÄTS-
BIBLIOTHEK
PADERBORN

**Rigor Moderatus Doctrinæ Pontificiæ Circa Usuras A SS.
D. N. Benedicto XIV. Per Epistolam Encyclicam Episcopis
Italiæ Traditus**


Specimina ulteriora exhibens Moderationis Pontificiæ, à P. Concina violatæ

Zech, Franz Xaver

Ingolstadii, 1751

Præfatio Ad Lectorem.

[urn:nbn:de:hbz:466:1-63780](#)



PRÆFATIO AD LECTOREM.

Magna eorum, qui Jurium Studio in Academiis se impendunt, utilitate comprobari usum illum experimur, quo dum pleraque pro materiarum vastitate, & temporis brevitate, succincta methodo pertractantur, idem nobiliores aliquæ quæstiones fusiore calamo per Dissertationes explanantur. Gratum Auditoribus meis obsequium me præstuisse deprehendi, dum binas Dissertationes ad Titulum Juris Canonici *de Usuris* in manus ipsis tradidi, occasione sumpta ex Literis Encyclicis à Summo Pontifice BENEDICTO XIV. de hoc arguento scriptis. Ex prima quidem perspexerunt, quām aptè Doctrina Universitatis Ingolstadiensis cum Doctrina Pontificia conspiret: in altera aperui, quid de variis Titulis sentiam, ex quibus emolumentum in Mutuo possit percipi: quod *primum est Specimen Moderationis Pontificiæ circa usuras*, *primūmque Dissertationis illius Caput*

a 2

con-

constituit, cui ut reliqua duo Capita mox ad-
jungerentur, excurrens ultra constitutos termi-
nos foliorum numerus, & temporis ratiō non
permittebat. Dum autem nuper ex Libro III.
Decretalium materiam de Contractibus explicabam,
operae premium fore credidi, ut accuratiū
examinarem quasdam Conventiones, quarum
notitia ad usuram à licito emolumento ex pecu-
niis obtinendo discernendam, videtur omnino
necessaria, licet plerarumque singularem mentio-
nem Jus Canonicum non faciat. Opportunè
igitur eādem operā per hanc Dissertationem ter-
tiam supplebo illud, quod Dissertationi secundæ
juxta Divisionem ibi statutam deest: exhibendo
scilicet *Specimen secundum Moderationis Pontifi-
ciæ de pecunia per varios Contractus collocan-
da ad lucrum: item Specimen tertium de Autho-
ribus contrariæ sententiæ nulla censura aut con-
tumelia notandis.* Quid contineat tota hæc Dis-
sertatio, ob oculos ponet sequens Conspectus.

CON-